

# Papel dudoso di abogado Frielink den kaso di keho kontra abogadonan di KFO

**KOMENTARIO:** Karel Frielink ta un abogado Ulandes ku te ku resien tabata traha na un ofisina di abogado ku ta karga e nòmber di e kontroversial abogado Ulandes ku yama Leo Spigt.

Spigt ta un figura ku su nòmber ta wòrdu ligá ku froude mionario na Ulanda i ku a yega di duna di konosé, lokual a sali publiká den prensa Ulandes, ku na su ofisina na Kòrsou ta kara blanku tin, paso kara blanku ta duna konfiansa. Frielink a anunsia resientemente ku e persona aki ta su gran ehèmpel. E ofisina na Ulanda miéntas tantu a spat fo'i otro i aki Karel Frielink a bandoná e barku pa supuestamente bai lanta un ofisina na Kòrsou ku un grupo di Sint Maarten. Esaki ta un figura ku ta hunga hende drechi, pero ku a demostrá di no tin karakter.

Esei por wòrdu ilustrá di e siguiente manera. Na momentu ku e dekanu a entrega su keho kontra Sulvaran dia 13 di yanüari 2014 pa 10 or 50 minüt, Frielink aki ya pa 11 or 09 minüt a pone e keho riba [www.dutchcaribbeanlegalportal.nl](http://www.dutchcaribbeanlegalportal.nl)

riba su facebook. Un keho ku a kaba di wòrdu entrega i ku Sulvaran mes a risibí tres dia despues riba 16 di yanüari 2014. Frielink a pone komo komentario ku ta bon pa hues disciplinario atendé ku Sulvaran. Awor e Frielink aki no ta miembro di direktiva di órden di abogado. Kon bin e tabatin e keho kontra Sulvaran promé ku Sulvaran mes hañ'é? Ta ken a dun'é e keho i ku ki meta? Na e momentu ei si ta bon, ta esun ku a entrega e keho, un tal Fiévez i e Konseho di Supervishon so tabatin e keho. Dikon e la plam'é ront promé ku Sulvaran mes a hañ'é di forma ofisial.

Lokual ta mas serio den e kaso t'e hecho ku e persona ku lo mester a presidí e kolegio pa husga e tres abogadonan yu'i Kòrsou, ta un persona ku a traha hopi aña pa kantor di Frielink i ku Frielink ta su abogado personal. Un hues ku por sierto e abogadonan ta akusá di tambe traha desishon inkorekto.

Tur e motibunan aki e tres abogadonan a trese dilanti pa kita e hues aki for di nan kaso. Despues di a faya na

dos okashon, e hues mes pa motibunan no masha kla a disidí di hala kita for di e kaso ora e abogadonan pa di tres be a anunsia di lo no aksept'é bou di niun sirkunstansha. Frielink su meta no por tabata nada otro ku no ta difamashon.

Ku un figura asina por ta hues disciplinario, ta bisa hopi di e situashon na Kòrsou. Ademas Frielink ta un kolaboradó (den forma di artikulonan sientífiko i opinion) di e korant Ulandes elektróniko i dudoso ku yama "Knipselkrant", ku hopi yu'i Kòrsou ta konsiderá un korant di rasista ku a tuma pa kustumber di ataka yu'i Kòrsou. Speshalmente e yunan di tera ku nan ta sospechá di ta kontra mas intervension Ulandes. Un korant ku ta usa anonimidad pa ataka yunan di Kòrsou personalmente di un manera baho.

Ta di spera ku den e investigashon penal kontra e korant kobarde aki, interrogashon di reshèrshi lo klarifiká ta ken ta e kobardeyanan ku e korant aki ta permití pa skirbi i insultá yu'i Kòrsou di forma anónimo. Un korant den kual

nos representantenan di pueblo ta wòrdu yama 'hangbuikzwijn' i otro denominashon denigrante. E korant ta kobarde pasobra no tin adrès ni nòmber di esnan kende ta responsabel pa nan kontenido.

Un abogado, íntegro i ku respèt no tei tuma riesgo di kolaborá ku tipo di medio nan sosial dje taya degenerá asina ki. Den mundu di komunikashon, tur lesadó tin derechi di ehersé su libertat di ekspreshon i mester tin aksesu pa reklamá kontenido di e medio. Na Kòrsou, tur medio di komunikashon respetá tin un adrès i kolofon, unda pueblo por referí n'e i tene interkomunikashon den kasonan di reklamo. Knipselkrant, ta un medio sosial kobarde ku solo meta di deskriminá i pinta yu di Kòrsou komo bobo.

For di e echanan aki por dedusí ku no solamente ku Frielink tin un karakter kuestionabel (betwistbaar) sabiendo ku Knipselkrant ta ofendé yunan di Kòrsou, pero por dedusí for di e echanan aki, ku hinter e keho kontra abogado yu'i Kòrsou ta parti di un plan makaber ku metanan netaamente polítiko.

Vigilante ta anunsia for di aki tambe ku nos ta bai desenmaskará tur esnan ku ta skirbi i ku ta liga ku e korant rasista Knipselkrant, publikando nan foto meskos ku nan ta publiká di otronan, pa pueblo sa presis ta ken nan ta. Si nan ta bin Kòrsou bin hunga wega shushi, pa krea un sentido falsu di superioridad, nan sinta règt awor. Lo no tin niun skina ku niun di nan lo por kana riba e isla aki, te dia nan muestra respèt i pone nan kolofon, adrès i nòmber di esnan kende ta skibi pa e korant kobarde.

## CBCS ku Tromp den problema



Emsley Tromp.

Banko Sentral ta den problema. E posishon di bienes di e banko ta na peliger si a korto plaso no buska moda di kolaterisá e bononan emiti pa Aqualetra riba riba 22 di desèmber 2009. Manera ta konosí, e presidente direktor dudoso di Banko Sentral, Emsley Tromp, a hasi un fianza na Aqualetra di 240 mion florin den forma di un bono, sin NUNKA a pone bòrg p'e fianza. Ta trata di un fianza den forma di un bono. Ademas Tromp no a konsulta nunka ku e komishon di Invershon dje banko, pa por duna sosten n'e fianza. Aqualetra awor ta kasi bankarota i 240 mion florin di Banko Sentral ta den Aqualetra. Tromp, kende wes mes a bisa di tin mag di yam'e korupto, mester buska un bòrg lihè den forma di kolaterisá e propiedatnan di Aqualetra pa por haña balor n'e bononan. Esei tei nífiká, unabes, e propiedatnan di Aqualetra para bòrg p'e fianza, esnan kende kumpra e bononan serka Tromp i Banko Sentral lo bira práktikamente doño di Aqualetra.

Un bes mas Tromp a tuma un desishon kuestionabel den e asunto den Banko Sentral. Tromp a bolbe kometé un akto koruptivo dor di hasi un fianza foi fondonan dje banko, miéntas esaki ta kontra di artíkulo 16 dje statutonan di e banko. Segun e artíkulo aki, Banko Sentral no ta outorisá pa emiti fianza. Tin eksepshon riba e artíkulo preskribí den artíkulo 6 i artíkulo 13. E ekspeshonnan ta bisa ku e banko mester konsulta ku su Hunta di Supervishon miéntas e por partisipá den kompra i benta di divisas. Tur eakinan mester tuma lugá bou di outorisashon di e Hunta di Supervishon i komishon di invershon dje banko. Tin informashonnan bastante veridiko ta sirkulá ku e raport di PWC tei bira e final di Tromp na Banko Sentral. E pregunt grandi ku ta keda atras ta si Tromp lo logra kolaterisá e propiedatnan di Aqualetra promé e baha.



## Destiny FOR MEN

**PARATIO PA DOS SIMAN SO!!!**

3 jeans pa	fl.100,=	antes 109.75 / 99.75
3 suèter pa	fl.100,=	antes 69.75 / 59.75
3 karson pa	fl.100,=	antes 109.75 / 89.75 / 79.75
3 kamisa pa	fl.100,=	antes 89.75 / 79.75 / 69.75
Flus pa	fl.100,=	antes 269.75 / 249.75 / 199.75
Sapatu i keds	fl.49.75	antes 169.75 / 109.75 / 89.75

**IHOPIMAS**

Kaya Max F. Henriques / BB

Tel: 461-1477